

Brev e mes commembers en vischnaunca (2)

Mes cars amitgs,

Uonn ei la jamna sontga e la festivaziun da Pastgas stada auter che normal. Carteivel ei quei stau pils biars da nus l'emprema ga che nus havein festivau Pastgas senza funcziuns en baselgia. Quei munta buca exnum da buca haver giu access tier survetschs spirituals. Biars da nus e Cristians sigl entir mund han midau las casas en ina baselgia. Nus essan daventai part d'ina cuminonza globala cheutras che nus partin buca mo nossa tristezia, mobein era nossa cardientscha. Quei ademplescha verbal la ductrina dil secund concil vatican che numna la famiglia la «baselgia da casa» (LG 11). Cunquei che Dieus ei buca ligiaus vid restricziuns, duessen nus sentir ed endriescher ch'el ei a nus pli damaneivel che zacu. Il proverbial da Jesus di: «Nua che dus ti treis ein radunai en miu num, leu sun jeu en lur miez!» (Mt 18,20). Nossa baselgia ei buc mo il baghetg, mobein la cuminonza dils cartents.

Entgins catolics han forse inaga ni l'otra rugau da veser in'otra fatscha che quella da lur augsegner ni in pli elegant survetsch divin uonn en baselgia. Pia ha Dieus rispundiu a lur oraziuns sin in'otra moda. Nus havein la pussevliadad dad assister alla sontga messa ni auters survetschs divins da nies papa Francestg senza ir a Ruma. Zacons meins privilegi ston carteivel esser cuntents cun lur agen uestg. Mo paucs han obsevu lur augsegners al Live-Streaming. Biars da nus han forse in pli ruasseivel ambient en lur casas che en baselgia. Il sulet disavantatg da quella celebrazion ei ch'els han buc saviu esser presents fisicamein all'eucaristia.

Mintga di hai jeu rugau per miu pievel e celebrou la sontga messa en mia casa. Suentar che papa Francestg ed ils uestgs han dau las ordas (tuts spirituals dueien celebrar ils survetschs divins sco usitau en baselgia e rugar per il pievel) hai jeu entschiet cun la celebrazion dalla sontga messa en nossas baselgias. Jeu cuntinueschel aschia tochen che la crisa varga. Vus saveis buc prender part dalla sontga messa, denton s'unir en oraziun. Nus lein aunc festivar biaras celebrazions da Pastgas el futur, pia stein nus uonn a casa. Quei dat a nus la pussevliadad da scaffir dapli valeta pils sacraments e per la muntada dil survetsch divin communabel en baselgia.

El medem mument savein nus buc ignorar che numerus carstgauns han vinavon tema da problems emozionals e finansials che suondan. Nossa cardientscha cristiana ei dapli che quei che nus cartein. Nus stuein dar veta a nossa cardientscha entras segidar culs auters. Quei ei il temps che nus essan clamai da carezar Dieus e nies proxim cun sespruar da mitigar la pupira da nos concarstgauns. Igl ei era buc falliu da retscheiver agid dad auters sch'ins ei en miseria.

Biars da nus tschentan forse las damondas: Con ditg cuoza quei? Cu sai jeu puspei ir giuado sco usitau? Cura sai jeu magari ensemen cun nossa famiglia ni amitgs? Cu savein nus ir en baselgia? Per anflar quellas rispostas hai consultau google. Jeu sun staus surstaus che schizun lez che sepresenta sco Diu ha buc saviu rispunder a mias damondas. Mia via tradiziunala ei megliera. Jeu roghel e Dieus sincerescha a mi ch'el seigi adina cun mei, egal tgei che capeta (era senza rispunder a mias damondas). El ha relatau a mi ch'ina crisa meini buc senz'auter a devastaziun da spért ed olma. El ha detg a mi da sefidar sin Diu e sincerau dad esser vinavon presents en mia veta. Era senza esser corporalmein da maneivel sappi jeu prestar bia survetschs als carstgauns. El ha supplicau mei da rispunder allas suandontas damondas: Saveis Vus urar per tals ch'ei malsaus e che han problems? Saveis Vus patertgar vid quels che lavuran dapli che per ordinari e rugar per tals? Saveis vus encurir vischins che vivan persuls? Saveis Vus telefonar a glied pli passada e garantir ad els che Vus s'empitscheis dad els? Saveis Vus far oz enzatgei nua ch'ei exista miseria? Saveis Vus sequietar e ruassar da temps en temps cunquei che ulteriura lavur spetga sin Vus? *Ludaus sei Jesus Kristus, semper sei Ludaus.* Amen.